

OK

T-6

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 35. i članom 45. Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 41. sjednici, održanoj dana 30.01.2020. godine, donosi

### ZAKLJUČAK

**o usvajanju Programa utroška sredstava u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200, subanalitika MAD 202, Budžeta Zeničko-dobojskog kantona za 2020. godinu pozicija „Tekući transferi pojedincima - Tekući transfer za stipendiranje studenata“**

#### I.

Usvaja se Program utroška sredstava utvrđenih u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200, subanalitika MAD 202, pozicija „Tekući transferi pojedincima - Tekući transfer za stipendiranje studenata“, Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), u iznosu od 1.000.000,00 KM (slovima: jedanmilijon konvertibilnih maraka), a koji čini sastavni dio ovog zaključka.

#### II.

Sredstva planirana ovim Programom utroška sredstava, realizovat će se isključivo u skladu s realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija osim u izuzetnim slučajevima odobrenim posebnim aktima Vlade Kantona.

#### III.

Vlada Zeničko-dobojskog kantona će nakon okončanja konkursne procedure, u skladu s tačkom II. ovog zaključka, posebnim aktom utvrditi visinu pojedinačnog iznosa stipendije i broj rata za isplatu.

#### IV.

Za realizaciju ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.


#### V.

Zaključak stupa na snagu danom donošenja.

Broj: 02-11-1592/20  
Datum, 30.01.2020. godine  
Zenica

DOSTAVLJENO:

- Ministarstvo za obrazovanje, nauku, kulturu i sport,
- Ministarstvo finansija,
- a/a.



... ..

...

... ..

... ..

... ..

... ..

... ..

... ..

... ..

... ..

## **PROGRAM**

**utroška sredstava u razdjelu 22 Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001 - ekonomski kod 614200, subanalitika MAD 202, Budžeta Zeničko-dobojskog kantona za 2020. godinu pozicija „Tekući transferi pojedincima - Tekući transfer za stipendiranje studenata“**

### **Član 1.**

Svrha ovog programa je da se sredstva utvrđena u razdjelu 22 – Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001 ekonomski kod 614200, subanalitika MAD 202, pozicija „Tekući transferi pojedincima - Tekući transfer za stipendiranje studenata“, iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), koriste za stipendiranje redovnih studenata prvog i drugog ciklusa studija s prebivalištem na području Zeničko-dobojskog kantona, do 30 godina starosti i koji nisu ni u kakvom radnom odnosu, za akademsku 2019/2020. godinu.

### **Član 2.**

Visina sredstava utvrđena ovim programom iznosi 1.000.000,00 KM (slovima: jedanmilijon konvertibilnih maraka).

### **Član 3.**

Izvor finansiranja je Budžet Zeničko-dobojskog kantona za 2020. godinu, razdjel 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001 ekonomski kod 614200, subanalitika MAD 202, pozicija „Tekući transferi pojedincima - Tekući transfer za stipendiranje studenata“.

### **Član 4.**

Kriteriji za dodjelu sredstava su u Prilogu 1. ovog programa.

### **Član 5.**

Sredstva primaju pojedinci, redovni studenti prvog i drugog ciklusa studija, do 30 godina starosti i koji nisu ni u kakvom radnom odnosu, u akademskoj 2019/2020. godini (redovni koje finansira osnivač visokoškolske ustanove i redovni samofinansirajući) s prebivalištem na području Zeničko-dobojskog kantona.

### **Član 6.**

Distribucija sredstava vršit će se u iznosu kako je navedeno u Planu korištenja sredstava (tabela kao sastavni dio ovog programa) iz Budžeta Zeničko-dobojskog kantona za 2020. godinu, razdjel 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 202, pozicija „Tekući transferi pojedincima - Tekući transfer za stipendiranje studenata“.

### **Član 7.**

Za distribuciju odobrenih sredstava korisnicima zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

### **Član 8.**

Nadležne općinske službe dužne su dostaviti Ministarstvu za obrazovanje, nauku, kulturu i sport izvještaje o namjenskoj upotrebi odobrenih sredstava nakon isplate istih.

**Član 9.**

Izveštaj o namjenskoj upotrebi odobrenih sredstava Ministarstvo za obrazovanje, nauku, kulturu i sport jednom godišnje dostavlja Ministarstvu finansija i Vladi Zeničko-dobojskog kantona.

**Plan korištenja sredstava**

Korisnici stipendije – redovni studenti s prebivalištem na području općina/gradova:	Godišnji iznos sredstava (KM)	Napomena
Breza		Raspodjela sredstava po općinama/gradovima vršit će se prema rezultatima Konkursa, na osnovu Konačne liste, izrađene u skladu s Kriterijima.  Distribuciju sredstava vršit će resorne općinske/gradske službe putem tekućeg računa korisnika stipendije.
Doboj-Jug		
Kakanj		
Maglaj		
Olovo		
Tešanj		
Usora		
Vareš		
Visoko		
Zavidovići		
Zenica		
Žepče		
<b>UKUPNO:</b>		

Broj: 02- 11- 1592 /20  
Datum, 30.01.2020. godine  
Zenica

PREMIJER  
*Mirza Ganić*  
Mirza Ganić

**DOSTAVLJENO:**

1x Ministarstvo za obrazovanje, nauku, kulturu i sport,  
1x Ministarstvo finansija,  
1x a/a.

## PRILOG I.

### Kriteriji za dodjelu stipendija redovnim studentima prvog i drugog ciklusa studija s prebivalištem na području Zeničko-dobojskog kantona za akademsku 2019/2020. godinu

#### Član 1.

##### (Korisnici)

Korisnici stipendije su redovni studenti prvog i drugog ciklusa studija s prebivalištem na području Zeničko-dobojskog kantona, do 30 godina starosti, koji nisu ni u kakvom radnom odnosu i koji ispunjavaju uvjete utvrđene ovim kriterijima i konkursom.

#### Član 2.

##### (Pravo učešća na konkursu)

Pravo učešća na konkursu imaju kandidati koji ispunjavaju sljedeće uvjete:

- da su državljani Bosne i Hercegovine;
- da imaju prebivalište na području Zeničko-dobojskog kantona;
- da su redovni studenti prvog ili drugog ciklusa studija na visokoškolskim ustanovama u Bosni i Hercegovini ili izvan Bosne i Hercegovine, bez obzira na način finansiranja studija (redovni koje finansira osnivač visokoškolske ustanove i redovni samofinansirajući);
- da su upisali ljetni semestar akademske 2019/2020. godine;
- da nisu stariji od 30 godina i nisu ni u kakvom radnom odnosu.

Pravo učešća na konkursu nemaju:

- studenti koji koriste usluge smještaja i ishrane u studentskim domovima;
- studenti koji primaju stipendiju od drugog stipenditora;
- studenti za koje je utvrđeno da su, protivno datoj izjavi u prethodnoj akademskoj godini, primili stipendiju od drugog stipenditora;
- studenti koji obnavljaju godinu studija;
- studenti koji su već jednom dobili stipendiju za određenu godinu studija na istom ili drugom fakultetu;
- studenti u statusu absolventa;
- studenti koji su u akademskoj 2018/2019. godini ostvarili pravo na stipendiju kao studenti prve godine studija, a u akademskoj 2019/2020. godini ponovo upisali prvu godinu studija na nekom drugom fakultetu.

#### Član 3.

##### (Lista kandidata)

(1) Lista kandidata za dodjelu stipendija sačinjava se na osnovu ukupno ostvarenog broja bodova koji se dodjeljuju po osnovu uspjeha, godine studija, materijalne situacije, socijalnog statusa (studenti sa invaliditetom i studenti bez oba roditelja) i na osnovu deficitarnih zanimanja.

(2) Pripadnici romske nacionalnosti imaju pravo na bezuvjetnu dodjelu stipendije.

#### Član 4.

##### (Bodovanje)

##### (1) USPJEH

Bodovanje studenata prve godine prvog ciklusa studija vrši se tako što se:

- prosječna ocjena uspjeha uveća za 4 i množi koeficijentom 5 (uspjeh odličan),
- prosječna ocjena uspjeha uveća za 3 i množi koeficijentom 5 (uspjeh vrlo dobar),
- prosječna ocjena uspjeha uveća za 2 i množi koeficijentom 5 (uspjeh dobar),

- d) prosječna ocjena uspjeha uveća za 1 i množi koeficijentom 5 (spjeh dovoljan),
- e) studentima prve godine koji su bili učenici generacije u srednjoj školi dodaje se još 25 bodova.

Bodovanje studenata druge i viših godina prvog ciklusa studija i drugog ciklusa studija vrši se tako što se:

- a) prosječna ocjena svih položenih ispita tokom cjelokupnog prethodnog studija (uključujući i ispite položene u akademskoj 2019/2020. godini) množi koeficijentom 5,
- b) studentima koji su ostvarili prosječnu ocjenu najmanje 9,00 ili ekvivalent, pored množenja koeficijentom 5, dodaje još 5 bodova.

**NAPOMENA:** Prosječna ocjena svih položenih ispita tokom cjelokupnog prethodnog studija u drugom ciklusu studija uključuje i ocjene iz prvog ciklusa studija.

### (2) GODINA STUDIJA:

- a) studenti druge godine - 4 boda
- b) studenti treće godine - 6 bodova
- c) studenti četvrte godine - 8 bodova
- d) studenti pete godine - 10 bodova
- e) studenti šeste godine - 12 bodova

**NAPOMENA:** U skladu sa članom 5. stav 1. Okvirnog zakona o visokom obrazovanju u Bosni i Hercegovini, prvi ciklus studija traje najmanje tri i najviše četiri godine. Jedna godina studija vrednuje se sa 60 ECTS bodova (European Credit Transfer System). Iz odredbi člana 5. stav 1. izuzima se studij medicinske grupe nauka, koji se u prvom ciklusu studija vrednuje do 360 ECTS bodova, odnosno, koji može trajati do 6 godina. Drugi ciklus studija traje jednu ili dvije godine (zavisno od trajanja prvog ciklusa studija) i vrednuje se tako da u zbiru s prvim ciklusom studija nosi 300 ECTS bodova. Koncept trajanja prvog i drugog ciklusa studija može biti: 3+2 ili 4+1. Studentima prve godine drugog ciklusa studija po konceptu 3+2 dodaje se 8 bodova (što odgovara četvrtoj godini studija). Studentima druge godine drugog ciklusa studija po konceptu 3+2 dodaje se 10 bodova (što odgovara petoj godini studija). Studentima drugog ciklusa studija po konceptu 4+1 dodaje se 10 bodova (što odgovara petoj godini studija).

### (3) MATERIJALNI STATUS

Bodovanje se vrši na osnovu ukupnih mjesečnih primanja porodice po članu domaćinstva, a prema kućnoj listi i priloženom dokazu o statusu za svakog člana domaćinstva:

- a) do 60 KM - 25 bodova;
- b) od 61 KM - 100 KM - 20 bodova;
- c) od 101 KM - 150 KM - 15 bodova;
- d) od 151 KM - 200 KM - 10 bodova;
- e) od 201 KM - 250 KM - 5 bodova;
- f) od 251 KM - 300 KM - 1 bod;
- g) preko 300 KM - 0 bodova.

### (4) SOCIJALNI STATUS

- a) invaliditet studenta (po bilo kom osnovu)
  1. do 40% - 3 boda;
  2. 40% - 70% - 5 bodova;
  3. preko 70% - 8 bodova.

b) studenti bez oba roditelja - 10 bodova.

### **(5) STUDENTI KOJI SE OBRAZUJU ZA DEFICITARNA ZANIMANJA**

**Deficitarna zanimanja:**

Agronom za ratarstvo, Biohemičar, Defektolog, Doktor medicine, Genetičar, Informatičar, Inženjer drvne tehnologije, Inženjer elektroenergetike, Inženjer elektronike, Inženjer geologije, Inženjer medicinske elektronike, Inženjer računarske elektronike, Inženjer računarstva, Inženjer za elektroenergetska postrojenja, Inženjer za obradu podataka, Logoped i surdoaudiolog, Menadžer kvaliteta, Nastavnik fizike, Profesor flaute i Profesor gitare – 8 bodova.

NAPOMENA: Korištena je terminologija sa evidencije JU Služba za zapošljavanje Zeničko-dobojskog kantona (nazivi zanimanja).

### **(6) PRIPADNICI ROMSKE NACIONALNOSTI I DJECA BEZ OBA RODITELJA O KOJIMA SE BRINE DRŽAVA imaju pravo na bezuvjetnu dodjelu stipendije.**

#### **Član 5.**

**(Novčana nagrada)**

(1) Studentima koji studiraju za deficitarna zanimanja, defisana u članu 4. stav (5) kriterija, a ujedno imaju prosječnu ocjenu najmanje 8,50 ili ekvivalent pored stipendije dodjeljuje se novčana nagrada u visini koju utvrđuje Vlada Zeničko-dobojskog kantona.

(2) Odredba stava (1) ovog člana ne odnosi se na studente I godine I ciklusa studija.

#### **Član 6.**

**(Lista prioriteta)**

U slučaju kada se pojavi veći broj kandidata za dodjelu stipendija, Ministarstvo za obrazovanje, nauku, kulturu i sport Zeničko-dobojskog kantona utvrđuje listu prioriteta prema odredbama člana 4. ovih kriterija.

#### **Član 7.**

**(Konkursna procedura)**

(1) Stipendije se dodjeljuju na osnovu konkursa koji se objavljuje u jednom od dnevnih listova i u listu „Naša riječ“, na općinskim/gradskim oglasnim pločama i na službenoj internetskoj Zeničko-dobojskog kantona.

(2) Prijave na konkurs sa potrebnom dokumentacijom kandidati dostavljaju resorno zaduženim službama za društvene djelatnosti općine/grada u kojoj imaju prebivalište.

(3) Bodovanje i rangiranje kandidata za dodjelu stipendija vrši komisija nadležne općinske/gradske službe.

(4) Rukovodilac nadležne općinske/gradske službe rješenjem formira komisiju koja vrši bodovanje i rangiranje kandidata te objavljuje **preliminarnu listu** prema broju bodova, ostvarenim na konkursu.

(5) Sve eventualne **prigovore** (obrazložene i utemeljene na dokazima) na preliminarnu listu, kandidati mogu podnijeti nadležnoj općinskoj/gradskoj službi u roku od 8 dana od objavljivanja na oglasnoj ploči matične općine/grada.

(6) Nakon razmatranja podnesenih prigovora, komisija sačinjava **konačnu preliminarnu listu (spisak studenata koji su u konkurenciji za dodjelu stipendija)**, koju objavljuje na oglasnoj ploči općine/grada i dostavlja Ministarstvu za obrazovanje, nauku, kulturu i sport Zeničko-dobojskog kantona radi dodatnih provjera.

(7) Nakon dodatnih provjera iz stava (6) ovog člana Ministarstvo za obrazovanje, nauku, kulturu i sport Zeničko-dobojskog kantona dostavlja konačnu listu općinama/gradovima, a koju općine/gradovi objavljuju na oglasnoj ploči i web stranici i na koju kandidati imaju mogućnost ulaganja žalbe.

(8) Žalba iz stava (7) ovog člana se podnosi putem nadležne općinske/gradske službe Ministarstvu za obrazovanje, nauku, kulturu i sport Zeničko-dobojskog kantona u roku od 8 dana od objavljivanja konačne liste na oglasnoj ploči/web stranici općine/grada.

(9) Ministarstvo za obrazovanje, nauku, kulturu i sport zadržava pravo da u toku konkursne procedure, a na osnovu slučajnog uzorka, izvrši uvid u bodovanje koje vrše općinske/gradske komisije.

#### **Član 8.**

##### **(Način isplate sredstava)**

(1) Isplatu sredstava vršit će nadležne općinske/gradske službe putem tekućeg računa studenta, a prema Konačnoj listi koju utvrđuje i dostavlja Ministarstvo za obrazovanje, nauku, kulturu i sport Zeničko-dobojskog kantona.

(2) Nadležna općinska služba dužna je dostaviti Ministarstvu izvještaj po isplati doznačenih sredstava.

#### **Član 9.**

##### **(Objavljivanje Kriterija)**

Kriteriji za dodjelu stipendija redovnim studentima prvog i drugog ciklusa studija s prebivalištem na području Zeničko-dobojskog kantona, do 30 godina starosti i koji nisu ni u kakvom radnom odnosu, za akademsku 2019/2020. godinu, objavit će se na općinskim/gradskim oglasnim pločama i na web stranici Zeničko-dobojskog kantona.